

§. 2. *Distichae; racemis arctis quasi bipectinatis.*

α. *Folia bene lanceolata.*

23) *L. Lindleyana* Oersted et Rchb. fil. *Xenia* Tab. 50. III. 8—10: tepalis dimidiatis ciliolatis. Plantulae tenuis caules bi—tripollicares. Vaginae ostio triangulo cordatae muriculatae. Folium obtuse acutum apice obtuse tridentatum dente medio majori crasso; pergameneum; lanceolatum, infra discolor, duas pollicis tertias longum, quartam tertiamve basi latum. Racemi multiflori bene bipectinati. Bractee ochreato triangulae supra nervum medium muriculatae. Sepalum superius triangulum obtuse acutum; sepalum inferius oblongum apice bidentatum. Tepala dimidiata triangula angulo inferiori obtusata, ciliolata. Labellum supra basin gynostemii adnatum bipartitum, partitio utraque utrinque triangulo acuminata, carina juxta limbum internum partis superioris; utraque dorso peltata, inferiori apice ciliolata; sinus insiliens inter utrumque unguem. *Androclinium* semilunato excisum. Flosculi minuti flavi. Quodammodo alludit ad *Lepanthidem andrenoglossam* Rchb. fil. Cartago Costaricae. Januario 1847. Oersted! (Hab. sp. sicc. a cl. Oersted.)